
RAGAD ADVERTENTIE:

Kabar premili: 1 — 30 temboeng f 1.—
Langkoengipoen, saben 10 temboeng oetawi
kirang: f 0,50.

Advertentie limrah: f 0,15 sagaris:
(apes: f 1,25).

Moendoet kapatjak langkoeng saking sa-
pisan, oetawi moendoet dados lengganan,
teping rembag roemijin kalijan admini-
stratie.

Hoofdredacteur:

B. SOEMARNA

kabantoe

REDACTIE - COMMISSIE.

SWARA-TAMA

SERAT KABAR KATHOLIEK

== Medal saben dinten Djoemoewah. ==

REGINIPOEN LENGGANAN
SWARA TAMA

1 taoen	f 6,—	} njoewoen kabajar roemijin.
1/2 "	f 3,—	
3 woelan	f 1,50	

Adresipoen Redactie lan Administratie

IGNATIUS-COLLEGE

DJOKJAKARTA.

Telefoon no. 885.

Drukkerij „Canisius” Djoka.

SERAT KINTOENAN.

Swara - Tama no. 20 ngewrat pi-
takanan bab koewadjabaning tijang
Katholiek Djawi toemrap sociale lan
politieke actie toewin wangsoelan-
ipoen saking rama J. J. van Rijcke-
vorsel.

Wangsoelan waoe koela waos
wongsal-wangsoel, oekara-oekara
katah ingkang koela raos-raosaken,
wasana manah koela lega lan marem.

Pitakénan-pitakénan bab sociale
lan politieke actie waoe, saestoeipoen
sampoén dangoe oegi dados kan-
doetan koela, nanging doemoegi-
nipoen sapriki dèrèng koela wedal-
aken, mila koela bingah déné pra-
kawis poenika sampoén kawedalaken
blak-blakan.

„Kanggénipoen tijang Katholiek
limrah (leeken) ing oemoemipoen
(in het algemeen) ingkang lang-
koeng perloe poenika poendi.”

„.....Jèn makaten temtoe sam-
poen samestiniipoen manawi sadaja
tijang Katholiek Djawi kedah am-
boek dateng P. K. W. oetawi
K. W. Tindak makaten poenika
boten namoeng kénging lan pantes
ingalembana (geaprecieerd) kéma-
won, ananging poenika kabekta
saking kawadjaban blaka; poenika
pakarjan ingkang loehoer pijam-
bak ingkang saged katindakaken
tijang Katholiek.”

„Mila pitakénan no. 3: „Perloe
poendi P. K. W. poenapa P. P.
K. D.” wangsoelanipoen boten
kénging boten kedah: P. K. W.
sing perloe déwé (P. K. W. wint
het verre).”

Sapoenikanipoen sampoén tjeta
sanget, actie poendi ingkang kedah
kita tandangi; koewatosing manah
itali babar pisan. Sarehning tijang
Djawi Katholiek poenika ambetah-
aken sanget dateng P. K. W., mila
soemangga sami ngijataken sociale
organisatie kita, awit:

„P. K. W. satjabangipoen K. W.
K. W. poenika kanggénipoen ti-
jang Katholiek Djawi pakempalan
Katholieke actie”

lan: „Katholieke actie ikoe, makaten
nawala dalem „Ubi Arcano Dei”
kaewokaké (behoort tot) oerip sa-
tjara Katholiek.”

Prakawis politieke actie kita:
„Sami éngeta, bilih ngetjakaken
kapolitikan poenika boten saben
tijang saged, nanging namoeng
ingkang djempol-djempol”

toewin boten tjoto (bevoegd) lan
katah seserepanipoen (ervaren).

Saking pamanggih koela, manawi
ngéngeti ingkang kasebat ing ngin-
gil poenika lan ngéngeti oegi, bilih
tijang Djawi Katholiek poenika sa-
perangan ageng dèrèng djempol-
djempol, taksih tjoto lan kirang se-
serepanipoen — kadjawi ingkang roe-
maos djempol, bokmanawi para liding
Hoofdbestuur pakempalan kita po-
litiek lan prijantoe sanèsipoen sa-
watawis —, saénipoen pakempalan
kita ingkang diponparabi P.P.K.D.
poenika dipoenbikaraken kémawon,
awit politiek poenika namoeng:

„.....oegi kénging kaetjakaken
ing tanah Djawi ngriki.” *)

Kados prakawis poenika boten
wonten awonipoen jèn dipoenrem-
bag Hoofdbestuur P. P. K. D. lan
tjabangipoen.

Rama Redactie, matoer noewoen
déné kersa matjak serat poenika
wonten ing Swara - Tama ngriki.
N.

**

Koela soeka panoeuwen dateng
sad. N. déné pandjenenganipoen
satoedjoe kalijan sadaja, ingkang
sampoén koela serat ing Sw.-Tm.
nomer 20 menggahing gegajetan-
ipoen P. K. W. lan P. P. K. D. so-
ciale lan politieke actie.

Ananging andaran koela ngadjeng
wonten temboeng satoenggal, ing-

*) Poenika ragi klintoe sakedik; ingkang
oegi kénging kaetjakaken ing tanah Djawi
ngrikoe: poenika sanès politiek, kados kar-
sanipoen sad. N. nanging: ingkang oegi ké-
nging kaetjakaken poenika: ichtigjar,
ngoedi sarta ngadjak, soepados
Tjoti dipoenpriksani malih Sw. Tm. no. 20.
Politiek poenika boten namoeng kénging na-
nging kedah kaetjakaken. Red.

kang ndjalari ragi klintoe tampini-
poen sad. N., i. p. temboeng: nge-
tjakaken politiek; ingkang koela
kadjengaken ngetjakaken ngriki actief
doen aan politiek, liripoen: soeka
panoentoen, ngawontenaken (damel)
sesorah oetawi lezing bab politiek,
débat-débat, ngoedi soepados ka-
pilih dados pangrehing pakempalan,
wonten ing ngrikoe sesorah (optre-
den) lss. lah poenika rak tjeta, bilih
boten saben tijang saged ngetjak-
aken, nanging namoeng ingkang
djempol, ingkang boten tjoto saha
katah seserepanipoen. Déné kosok-
wangsoelipoen: toemoet ing kapo-
litikan (passief doen aan politiek),
liripoen: saijeg ngrompol dados sa-
toenggal, toemoet ngrembag babagan
politiek ing salebeting pakempalan-
ipoen pijambak (in eigen kring) toe-
moet ngrembag, sawoeng poendi
ingkang kedah kaadjengaken, toe-
moet milih lss. lah poenika kawa-
djibanipoen oeger tijang Katholiek,
inggilh tijang Djawi Katholiek.

Mila poenapa pakempalan P. P.
K. D. kedah kabibarakén? O, ba-
bar pisan boten; nanging malah
kakentjengna, katambahana toewin
kawawahana tjabangipoen, awit
ingkang makaten poenika migoenani
saha moerakabi sanget.

Saoepami boten wonten P. P. K.
D. oetawi P. P. K. D. boten gadah
tjabang njekapi, tijang Djawi Ka-
tholiek ing babagan politiek boten
badé mapan kados sapoenika, lan
katah ingkang badé kapintén.

Mila moegi-moegi P. P. K. D.
tansah lestantoena, soeboera toewin
widadaa ing saterosipoen; moegi-
moegi P. K. W. andidika saha nge-
dalaken woh i. p. warga P. P. K. D.
djempol.

Djokjakarta.

J. J. v. Rijkevorsel.

PRADJA RAHAJOE.

BANK DOESOEN.

(Bank-ipoen tijang doesoen).

Samangké tijang doesoen poenika
sami bingoen, kerep betah arta;
badé njamboet Tjina mindring kados-
poendi, leres panjaeripoen gampil,
kénging dipoen-semadosi, nanging
rekaosipoen poenika, manawi babon
dèrèng wangsoel, bok nganaki pin-
ten-pinten inggilh boten dipoenang-
gep sah. Badé njamboet dateng bang
doesoen kados-poendi, inggilh leres
anakan namoeng sakedik katimbang
kalijan dateng Tjina mindring, na-
nging ngrekaos, margi boten kénging
dipoen-semadosi.

Para maos temtoenipoen ladjeng
ngandika makaten: Pantjéné mono
anaa bank sing ndjaloe anakan sa-
titik lan gelem disemajani. Poenika
kasinggihan sanget. Bank doesoen
poenika ingkang temtoe ladjeng neda
sareman katah, woosana boten te-
toeloeng, nanging malah mentoeng.

Masti kémawon bank doesoen poe-
nika kénging pados bati sakedik per-
loe kanggé nambeli wragad-wragad
kantoran, nanging manawi ingkang
dados oepami djoeroe serat poeroen
tanpa bajaran (amargi sampoén ga-
dah pamedal sanès) inggilh saja loe-
majan.

Bab panitjil kedah kénging di-
poen-semadosi. Ingkang kados ma-
katen poenika masti kémawon ing-
gilh mawi waton tegesipoen: pan-
tjénipoen saged, ladjeng semados,
poenika boten kénging. Semados ing
ngrikoe tegesipoen: Sarehné wong
désa ikoe kasogihané doemoenoeng
ana ing pamatoening lemah, moe-
lané jèn njaer tja samangsa wis
ngedol pamatoené maoe. Bisa nja-
oer samangsa-mangsa oepama men-
tas menang lotré l. s. p., ikoe saja
prajoga.

Dados manawi bank doesoen sa-
poenika poeroen nindakaken ma-
katen, tijang doesoen temtoe mantoe
bingoen, ékonominipoen saged ma-
djeng.

Nanging poenapa Nagari karsa??
Poenika angélipoen.

Ing Éropah wonten bank doesoen
namanipoen: Raiffeisenkas. Poenika
bank doesoen, nanging gadahanipoen

tijang doesoen. Ingkang dados pa-
witan poenika artinipoen tijang doe-
soen ngrikoe pijambak, déné ingkang
njamboet inggilh tijang doesoen ngri-
koe, katah kediking samboetan goe-
mantoeng saking katah kediking ra-
dja darbé ingkang kanggé atoeng-
atoeng. Toemindakipoen kados we-
waton ingkang kaseboet ing nginggil,
inggilh poenika sareman sakedik, pa-
njaeripoen loemajan. Raiffeisenkas
(bank doesoen) waoe dipoentjéng
Pangreh ingkang warganipoen 5, la-
djeng poenika kabawah ing djoeroe
noepiksa 9 katanipoen. Wondéné
djoeroe noepiksa poenika panda-
melanipoen dipoenpriksa malih dé-
ning parepatan-oemoem ingkang ka-
wontenaken kaping kalih ing sata-
oenipoen.

Raiffeisenkas (bank doesoen) ing
Éropah poenika pitoeloeng sanget
dateng para tijang tani. Ing sakawit
wontenipoen nampung ing sadoe-
soen. Lami-lami pinten-pinten doe-
soen ladjeng ngwontenaken bank
doesoen satoenggal ingkang ageng,
dados pawitan inggilh katah.

Ing nagari Wlandi, roemijin tijang
tani sampoén naté megap-megap,
amargi dados tedanipoen lintah-da-
rah lan dipoendjori tijang Amérikah,
inggilh poenika tijang Amérikah ngle-
betaken gandoem ing nagari Wlan-
di, reginipoen mirah sanget, ngantos
tijang doesoen ingkang gadah gan-
doem, boten pepadjengan.

Kala samanten Kangdjeng Santo
Bapa paring nawala, soepados tijang
tani dipoentoeloengana. Ladjeng ti-
jang Katholiek tékadan ngwontena-
ken bank doesoen nanging ingkang
gadah inggilh tijang doesoen pijam-
bak. Boten lami tetijang doesoen

ATOER OENINGA.

Gandèng kalijan liberoan Djoeni,
para lengganan ingkang tindakan,
mangka ngarsakaken soepados Sw.
T. tansah ndèrèkaken. — kasoeuwen
kanti taklim sampoén ngantos da-
mel ribetipoen Administratie. Pan-
djenengan tjekap njoekani adèrs
pindahan dateng kantor pos ing
papan ingkang pandjenengan da-
lemi sapoenika.

ADMINISTRATIE.

mantoe megap-megap, sami pa-
ting djenggelèk, katingal gagah-ga-
gah. Woosana kantja tani ingkang
dédé Katholiek sami tiroe-tiroe, an-
dadosaken kawiloedjenganipoen.

Jèn ing tanah Djawi ngriki teti-
jang doesoen sami noelada nagari
Wlandi oetawi Éropah, temtoe ing-
gilh ladjeng sami pating djenggelèk,
gagah-gagah.

Lah doewité?????

Sampoén njamboet dateng Tjina
poenapa, awit jèn makaten tanpa
goena. Arta kedah gadahanipoen ti-
jang tani pijambak, inggilh sawonten-
wontenipoen roemijin. Lami-lami
angger dipoentlatosi, rak saged min-
dak-mindak.

Jèn bank doesoen ing ngriki inggilh
dados gadahanipoen tijang doesoen,
lan perloenipoen namoeng kanggé
noeloengi tijang doesoen, kénging
tan boten, tijang doesoen badé ma-
djeng ékonominipoen.

Poen P. D.

ONDERWIJS.

PAKEMPALAN - ONDERWIJS (PANGA-
DJARAN) TOEMRAP LARÉ-LARÉ BISOE
TOEWIN BOEDEG ING HINDIA - NE-
DERLAND, KAADEGAKEN WONTEN
ING BANDOENG.

Sambetipoen Sw. Tm. No. 21.

Ing Djerman (Duitschland) kala
taoen 1896 goenggoengipoen pa-
moelangan bisoe kirang-langkoeng
wonten 100 panggénan, malah ing
tanah karadjan alit-alit kadosta:
Lippe, Anhalt, Sachsen-Meiningen,
Reusz j.l. lan sapanoenggilanipoen
oegi wonten, sadaja waoe sami
nggadahi pamoelangan pijambak-
pijambak kalajan jasanipoen radja-

radja ing djaman samanten.

Pamoelangan ingkang 100 pang-
génan waoe moeridipoen wonten
6600.

Ing Hindia ngriki dèrèng wonten
pamoelangan toemrap laré bisoe,
kadjawi namoeng pamoelangan par-
tikelir satoenggal waoe. Déné sa-
babipoen: bokmanawi sarehning ti-
jang katah dèrèng sami mangretos.
Pramila ingkang boten anggalih
oetawi amersoedi dateng kasaged-
anipoen laré-laré bisoe poenika
kénging kawastanan adamel dosa
ingkang ageng sanget.

Tijang ingkang boten soemerep
dateng seratan (alphabet) taksih
nggadahi pangraos kanggé anindak-
aken pikadjenganipoen, awit saged
mireng soewara warni-warni ing-
kang sambet kalijan angen-angen,
pijambakipoen ladjeng saged mang-
soeli oetawi njegah (regeeren)
poenapa ingkang kapireng waoe.

Satoenggaling laré bisoe ingkang
boten naté sinaoe, saestoe boten
nggadahi pirantos kanggé ngedal-
aken soeraosing manah dateng tijang
sanès, mila salaminipoen gesang
tansah pijambakan, boten saged
kempal kalijan tijang sanèsipoen.

Amaringi pitoeloeng dateng laré-
laré bisoe, poenika ingkang dados
sedyanipoen pakempalan.

Tijang dèrèng sami njoemerepi
sadaja, poenapa tegesipoen temboeng
„doofstom” (bisoe) ingkang saleres-
ipoen. Ingkang katah-katah sami
nginten, kadjawi „doofheid” (boe-
deg) oegi wonten malih ingkang
risak, ananging sajektosipoen ingkang
makaten waoe awis-awis sanget.

Laré ingkang boten saged wi-
tjanten poenika sababipoen: djalaran
boten saged mireng, „de stomheid”
déné anggenipoen boten saged wi-
tjanten poenika namoeng saking
boten saged mireng kémawon.

Kala roemijin laré ingkang bisoe
poenika kadjawi sinaoe njerat, oegi
sinaoe temboeng kanti sasmita (ge-
barentaal). Ananging lami-lami la-
djeng kasoemerepan, bilih gebaren-
taal waoe namoeng saged kaanggé
dateng sasaminipoen tijang bisoe
kémawon, boten saged kadamel
witjantenan kalijan tijang sanès-
sanèsipoen. Sapoenika tijang-tijang
bisoe waoe sami sinaoe witjanten.
Anggenipoen sinaoe witjanten poe-
nika aniroe ébaling lambénipoen
goeroe. Kawontenan pasinaon
witjanten kados makaten poenika
sampoén saé sanget, malah wonten
satoenggaling laré éstri saking Am-
sterdam sinaoe kados makaten ngan-
tos saged angsal acte stenografie.

Ingkang poenika sampoén genah
sanget, bilih padamelan oemoem
ingkang kados makaten waoe sa-
klangkong ageng goenanipoen, toer
oepami sampoén wonten satoenggal
ingkang katingal saged, sanès-sanès-
ipoen tamtoe namoeng noeroet ké-
mawon, dados ing tembé ing Hindia
ngriki temtoe katah ingkang nga-
degaken pamoelangan-pamoelangan
kados ing nginggil, waton genging
pigoenanipoen pamoelangan ingkang
wonten samangké poenika sampoén
kasoeemerepan dateng tijang katah.

Ingnginggil sampoén katerangkaken,
bilih preloe sanget pamoelangan bi-
sue waoe kedah dipoenadjengaken.
Oepami ningali kawontenanipoen ing
Europa, temtoe ing Hindia oegi
boten badé kantoen. Laré-laré bi-
sue samangké taksih manoe sanget
dateng pikadjenganipoen tijang sa-
nès, mila manawi ing tembé sina-
oenipoen saged ladjeng, soepados
migoenani dateng ngakatah.

Awit saking wontenipoen sedija
ingkang kaseboet ing nginggil waoe,
ing Bandoeng sampoén kawonten-
aken pakempalan pamoelangan toe-
mrapp laré bisoe ingkang kirang pa-
mirengipoen. Bestuur (pangoeroes)
ingkang nindakaken padamelan pa-
dintenan, inggilh poenika:

Kangdjeng toean J. H. B. Kuneman,
Resident, Voorzitter; Mevr. Dr. C.
Roelfsma - Wesselink, Vice-presi-
dente; J. P. A. Ahn, agèning Javasche
Bank, Penningmeester, lan A. H. J.
Schweitzer, Riouwstraat 21, Ban-
doeng, Secretaris, telefoon no. 2576.

ISIN IPOEN:

Serat kitoenan — Bank doesoen —
Pakempalan Onderwijs enz. — H.
I. K. — Ratjikan asrep-asrep —
Coöperatie — Kabar administratie —
Serat kintoenan — Salatiga 15 Mei
1930 — Poespita mantja warna —
Ontjén sekar gambir melati — Oerap-
sari — Correspondentie.

Déné pandamelipoen grija pon-
doka ngiras kanggé pamoelangan
sampoén dipoenwiwiti, ananging
ing saladjengipoen wewahan ing-
kang taksih kirang oetawi ingkang
katimbang preloe sanget, poenika
kedah angsal pitoeloeng, kadjawi
saking Kangdjeng Gouvernement
oegi saking bangsa partikelir har-
tawan ingkang sami kepareng lan
karsa anggatosen preloenipoen
pamoelangan waoe.

Ingkang poenika pakempalan pre-
loe njoewoen sih pitoeloengan da-
teng sadaja para mitra karsaa ma-
ringi derma (bijdrage) sakapareng-
ipoen.

Ingkang kersa mlebet dados
„Stichter” saking pakempalan waoe
kedah maringi derma sapisan ka-
tahipoen f 1000.—, oetawi bilih
mlebet lid pakempalan waoe kedah
mbajar contributie sakedikipoen
f 12.— sataoen.

Moegi-moegi sadaja sami kepa-
renga merlokaken paring sih pitoe-
loengan dateng sasamingan agesang,
dadosa ngamal ingkang ageng sa-
ngget paedahipoen.

PASINAON ING H. I. K.

Sambetipoen Sw. Tm. No. 21.

Ingkang katampi wonten ing kl.

1. „bovenbouw” (kl. 4 H. I. K.) ka-
djawi laré inggah-inggahan saking
kl. 3 H. I. K., lan tanpa iksamen i. p.
a. Laré ingkang tampi tanda tamat
saking Mulo ingkang boten ka-
bedaken (een niet gedifferentieerde
Mulo), oetawi saking B.-afdeeling
Mulo ingkang nganggé kabédak-
aken (gedifferentieerde Mulo).

b. Laré ingkang tampi diploma sa-
king H. B. S. tigang taoenan (H.
B. S. met 3-jarige leergang).

c. Laré ingkang gadah pratanda
minggah kl. IV H. B. S. 5 taoenan
(H. B. S. met 5 jarige leergang),
Gymnasium oetawi Lyceum.

Déné bidjining basa Walandi
apesipoen kedah 6. Kadjawi poenika
inggilh dipoeniksamen basa Djawi
lan Mlajoe, lan kedah anggadahi
pratanda saking pengagenging se-
kolahanipoen bilih „geschikt” sinaoe
goeroe.

Sanèsipoen ingkang klebet ing
kl. 1 bovenbouw, i. p. laré ingkang
katampi iksamenipoen, lan bidji Wa-
landi apesipoen 6.

Déné ingkang boten kénging toe-
moet iksamen kanggé nglebeti, ing-
gilh poenika laré ingkang anggen-
ipoen iksamen kanggé medal, kados
ingkang kaseboet ing a. lan b., boten
saé. Samanten oegi laré ingkang
boten toemoet eindexamen, oetawi
boten katampi iksamenipoen poeng-
kasan wonten ing Mulo oetawi H.
B. S. 3 taoenan.

Laré Holl. Kweekschool oegi sa-
ged katampi ing H. I. K. tanpa ik-
samen.

Manawi panjoewoenan mlebet ing
H. I. K. katah sanget, ladjeng namoeng
kapilih ingkang saé pijambak. Déné
jèn sampoén kapilih meksa kirang
papan, ladjeng kadamel parallèl.

Kadjawi serat-serat kaseboet ing
ninggilh laré kedah anggadahi:
a. Serat asal-oesoel.

b. Pratanda saking dokter, bilih ba-
dan saras, boten anggadahi widji
sesakit poenapa-poenapa.

c. Pratanda tjatjar.

Oemoer.

Oemoering laré ingkang katampi
ing kl. I Onderbouw ing tanggal
1 Juli taoen mlebetipoen apes 12
taoen lan boten kénging 17 taoen.

Kanggé kl. II oemoering laré
saantawisipoen 13 lan 18 taoen.

Dados melas kadang kita ingkang
namoeng mangertos sastra Djw.

1. Sad. Ind.: kagoengan kajakin-
an: „pitados dateng sarira
pribadi.” Adja ndjaleuk pitoe-
loengan bangsa lija. — Saé sadèrèk!
Nanging kedah kalambaran panga-
tos-atos, sampoen ngantos: „ont-

7 - 5 - '30.

Abn. no. 712 poenapa sampoen tampi serat saking administratie? Poenapa sampoen karoeroes.

DJALARAN.

Abn. no. 712 poenapa sampoen tampi serat saking administratie? Poenapa sampoen karoeroes.

O E R A P - S A R I

(PETIKAN SERAT-SERAT KABAR SANÈS).

KABAR KATHOLIEK.

Pisoengsoeng saking Moentilan.

Kala 50 taonan dalem djoemeneng Imam, Moentilan njaosaken pisoengsoeng. Gandèng kalijan prakawis poenika, „*Osservatore Romano*” tanggal 6 Maart '30, njerat soeraosipoen makaten:

Kweekschool lan Normaalschool ing Moentilan, para Broeder Onbevelekte Ontvangers sarta Zusters Franciscanessen kang pada njamboet gawé babarengan karo poetrané S. Ignasius, ngendojokaké pisoengsoeng awoedjoed album isi potrèt-potrèt.

Kweek - lan Normaalschool maoe nggoela-wentah tjalon goeroe Katholiek kang ing bésok gedé imané, sregep mangrasoelkrida. Para Broeder maoe nggoela-wentah botjah-botjah Djawa 500, déné para Zuster pada oelah tresna ing sapada ana ing panti roga kanggo wong Priboemi.

Album maoe gawéjané moerid-moerid rinengga loeng-loengan adi tjéngkok noeswa Djawa.

Raèn kapisan kaprenah ing doe-woer ana gambar agem dalem Makoeta Tiara, oeroet pinggir pinalisir gagambiran endah warnané, tinoe-lisan „*Romano Pontifici — Pio XI — gloriose regnanti — grato et obedi-entissimo animo offert — Collegium Xaverianum Societatis Jesu*” (Kon-djoek ngarsa dalem Sang wiba-wa Maha Gopa (Oppher Herder) ing Roem ingkang djoemeneng sa-

poenika; kaoendjoekaken kanti pa-noewoen lan pambangoen-toeroeting manah; . . saking Xaverius College S. J.”).

Potrèt-potrèt maoe, potrèt Grédja kang pinadjang endah kalané 50 taonan dalem; moerid-moerid sing pada seneng-seneng; (lss.).

Dadi dèk semana ing tanah kang panas koewi ija pada mahargja ngarsa dalem toewoeh saka Pa-ngandel sidji, Katresnan sawidji.

Konggrès Katholieke Journalisten.

Gandèng kalijan 100 taonan kamardikanipoen Bèlgi, pakem-palanipoen para journalist Katholiek ing Bèlgi bédjng 30 Agoestoes doemoegi 4 September poenika badé ngawontenaken konggrès kanggé Pers Katholiek, manggèn ing Brus-sel, Kg. Kardinal van Roey Maha Bishop ing Mechelen djoemeneng Eere Voorzitter.

Normaalschool Woloan 25 taonan.

Kala 29 lan 30 April kapengker poenika, R. K. Normaalschool in Woloan mèngeti anggènipoen sam-poen oemoer 25 taon. Sakolahan poenika ingkang ngedegaken saka-wit ngarsa dalem Kg. Bishop van Velsen kalanipoen taksih wonten Minahasa. (. Bédjng poenapa Kweekschool Moentilan, oet. X. College Moentilan anggènipoen damel pangèngget-èngget?? — Red.)

KABAR OEMOEM

INDONESIA.

Djagad serat kabar.

Sagedagan poenika salebeting dja-gad serat kabar katah lalampahan-lalampahan ingkang pantes dipoen-primboni.

Sadèrèk Manoppo 1e. redacteur *Bintang Timoer* (roemijin naté nge-moedèni *Matahari Indonesia* tjap Kepala Bantèng), wiwit tanggal 1 Djoeni ngadjeng poenika, dados redacteur wonten *Het Nieuws*. Mangka s.k. *Het Nieuws* waoe misoewoer anggènipoen dados pem-bentji Inlander.

Sadèrèk Kanoen hoofdredacteur *Pewarta Deli*, wiwit tanggal 1 Djoeni badé mlebet wonten *Deli Courant* serat kabar ingkang soewaoe di-poennamani sadèrèk Kanoen pijam-bak, serat kabar *tjap tembakau*.

Sadèrèk Djamaloedin alijas Adinegoro redacteur *Pandji Poestaka* sakawit kawartosaken wiwit tanggal 1 Djoeni pindah datang *Bintang Timoer*. Ing mangka saplok Adinegoro datang, boten naté pikantoe-k manah saking *Bintang Timoer* . . . Nanging, . . . bédjngipoen kawar-tosaken Adinegoro boten èstoe mlebet wonten *Bintang Timoer*. Mangka sampoen damel serat pradjandjijan poenapa! Mila, ladjeng kadjabah asok keroegijan f 1000. Woeroeng-ipoen Adinegoro mlebet wonten *Bintang Timoer*, ladjeng mlebet wonten *Pewarta Deli* anggentosi sadèrèk Kanoen, poenika kadjawi sebab sanès katjarijos margi wonten B.T. namoeng f 250, wonten P. D. f 300.

(Lalampahan tigang warni ing nginggil poenika, nedahaken koela sadaja sapinten dajaning arta. La-lampahan ing nginggil poenika tjalon kénging kapiogenakaken bangsa ingkang sengit Inlander kanggé ngolok-olok golongan kita).— Koela tjatet oegi, paprangan—pèn redactie *Sinpo* kalijan *Perniagaan* (sami déné koran Tionghoa) ladjeng santoen sipat djotos - djotosan!!

Goeroe doesoen mlebet kontrak. Pembantoe *Sedya Tama* ing Ba-njoemas martosaken bilih dèrèng dangoe poenika onderneming Hori-zon ing Soematra Wétan neda goeroe-goeroe doesoen ingkang poeroen njamboet damel wonten onderneming kaseboet kanti blandja f 60 sawoelan indakan f 10, blandja ingkang wekasana f 120.

Goeroe-goeroe doesoen bawah Karanganjar wonten sakawan ing-kang poeroen njamboet damel won-ten onderneming waoe.

Pabrik H. V. A. énggal.

H.V.A. ngedegaken pabrik gen-dis énggal wonten ing Ngoenoet bawah Toeloengagoeng. Wiwit tang-gal 14 poenika pabrik waoe sam-poen kabikak.

Pamedal Post, Tilgram lan Tilpoen.

Salebetipoen woelan Maart pa-medalipoen P.T.T. wonten f 305009.

Goepernoer Djéndral Katholiek??

Ing kalangan nginggil (oegi ing nagari Walandi) sapoenika sami manah sinten ingkang ing bédjng tjalon tinoeding anggentosi djoe-meneng G.G. Manoet pamireng-

ipoen *Het Nieuws*, sawoeng ingkang nomer satoenggal semoe-semoe-nipoen tilas Direktoeur Javassche Bank, Mr. L.J.A. Trip. Pandjenenganipoen misoewoer moempoeni datang pra-kawis economie.

Sawoeng ingkang nomer kalih padoeika toewan Ch. J. I. M. Welter vice voorzitter Raad van Indië, ingkang roemijin naté djoemeneng Minister Djadjahan.

Manawi sawoeng kakalih waoe salah satoenggalipoen kaleksanan dados, pangadjeng-pangadjengipoen sawenèhing golongan ing Nederland lan ing tanah ngriki, i.p. sageda wonten Goepernoer Djéndral Ka-tholiek, saged kasembadan. Sabak-danipoen djéndral G.G. van Heutsz poera Buitenzorg dèrèng naté di-poenlenggahi prajagoeng Katholiek malih.

Saladjengipoen, serat kabar waoe njarijosaken bilih wonten sawoeng malih, i.p. jhr. Mr. E. Beelaerts van Blokland, kalijan P. Staal tilas Kongsoel-Djéndral ing Calcuta ing-kang misoewoer oegi margi karangan boekenipoen anama: „Onze Oos-tersehe vraagstukken getoetst aan de ervaring in Britsch-Indië.”

Immigratie.

Awawaton palapoeran ingkang malebet wonten ing Justitie, Aneta saged njarijosaken bilih tjatjahipoen tjang ingkang bebara miri salebeti-poen taon kapengker katingal lang-koengsakedik tinimbang kala th. 1928. Soedanipoen waoe ngantos wonten 6000, oet. mèh 10%, poenika ing-kang bakoe margi soedaning immi-gratie bangsa Tionghoa. Tjjang Walandi ingkang miri 5958, bangsa Europa sanèsipoen 1830, goenggoeng kempal langkoeng katah 450 tinim-bang kala taon 1928.

Tjjang bebara bangsa Djepang: 1374, kala taon '28 wonten 1005, bangsa Arab lan bangsa mantja Wétanan sanèsipoen wonten 4844 (kala taon '28 wonten 4757). Déné tjang bebara bangsa Tionghoa lang-koeng saking 51.000, kala taon 1928 wonten 58.000 kirang sakedik.

Wonten tjang 682 ingkang boten pikantoe-k manggèn wonten tanah ngriki margi boten gadah serat-serat immigratie oet. margi sabab sanès, i.p. bangsa Walandi 3, bangsa Éropah sanèsipoen 10, bangsa Djepang 3, bangsa Arab sagolongan-ipoen 77, bangsa Tionghoa 595.

Total -djéndral bangsa mantja ingkang bebara miri salebetipoen taon kapengker wonten 65.261.

Pamedal S. S.

Pamedal S.S. tanah Djawi sale-betipoen April f 4.184.603 (soeda f 388.282 tinimbang April taon ka-pengker).

Wiwit Januari doemoegi April pamedalipoen manawi katanding ka-lijan Djanoewari — April taon ka-pengker, soeda f 2.637.847.

Bab Ir. Soekarna wonten kamar 1,4 x 2,5 M.

Gandèng kalijan pitakènipoen war-ga Raad Kawoela sadèrèk Thamrin 25 Maart '30 bab leres lan boten-ipoen pawartos ingkang njarijosaken bilih Ir. Soekarna katahan wonten kamar koendjaran ing Bandoeng

ingkang oekoeranipoen 1,4 x 2,5 M., poenika paréntah paring wangsoelan soeraosipoen makaten:

Wonten pakoendjaran ing Ban-doeng, Ir. Soekarna kapapanaken wonten ing kamar ingkang pan-djangipoen 2,10 M., wijariipoen 1,40 M., lan inggilipoen 3,50 M. Ang-gènipoen Ir. Soekarna katahan boten margi gadah angen-angen poli-tiek, saking kadakwa nerak papatjak 169 bab 108 ing Angger Oekoem. Wonten koendjaran ngriko Ir. S. pikantoe-k kamardikan kados ingkang kaseboet ing pranatan pakoendjaran (gestichtenreglement), kénging ma-nganggè lan neda gadahanipoen pi-jambak, poenapadéné oegi dipoen-soedijani wasan ingkang timbang kalijan kasagedanipoen. Kadjawi poenika saben dinten dipoenlilani medal ing djawi salebetipoen tigang djam.

Tradjangipoen Jong Islamieten Bond.

Saking ihtjaripoen H. B. J. I. B. kala 27 April 1930, ing Gedong Permoefakatan Indonesia Gang Ke-narie Weltevreden, saged ngawon-tenaken parepatan oemoem kada-tengan kirang langkoeng tijang 800, amoetoes damel resolutie ingkang ringkesing soeraosipoen makaten:

Mirengaken andaran-andaran bab piawon warni-warni ing kala-ngan laki-rabi bangsa Indonesijah; piawon-piawon poenika waoe ing-kang bakoe margi kaléntoening pa-nampinipoen kawoela Indonesijah datang toedjoening idjab kados ing-kang kawarahaken Agami Islam, lan oegi kasebabaken margi asoring boedinipoen tetijang wiwit ingkang inggil doemoegi andap. Kaléntoe-ning panampi lan asoring boedi kaseboet mèh saben dinten noewoeh-aken piawon ingkang boten na-moeng nglelèpèti para wanita lan namanipoen tetijang Indonesijah, oegi ngawon-awoni agamining kawoela, i.p. Islam,

Nglairaken soesah lan ge-toening manah mireng kawontenan makaten waoe.

Amanah prakawis ing nginggil waoe saking sakedik kénging dipoen-kirangi, sarana réka warni - warni, oep. 1. Andjembaraken propaganda Agami Islam; 2. Propaganda gesang moersid datang kawoela Indonesia langkoeng-langkoeng ingkang Islam. 3. Ambijantoe ngadjengaken kapin-teran. 4. Ambijantoe andjoendjoeng dradjading wanita ing salebeting economie. 5. Ihtjar soepados poeng-gawa mesdjid ingkang ngoeroes prakawis ningkahan, roedjoek lan pegatan, pikantoe-k blandja tetep saking arta nagari, dados boten tjara presènan saking wragad-wra-gad ningkah pegat roedjoek, kados ing sapoenika. Amoetoes neda datang H.B.J.I.B. soepados ngadjak datang pergerakan Indonesia Moeda lan sadaja pergerakan Kepandoean Indonesia andoem damel nindakaken ihtjar kaseboet nginggil, Pangrèh J. I. B. soepados neda kanti sanget datang ébah-ébahandjoen para ka-koeng lan wanita sageda toeman-dang ingkang temenanan andandosi kawontenan kabangsan ingkang awon kados kaseboet nginggil (*Bin-tang Mataram*).

Arta kertas ingkang karisak.

Woelan April poenika arta kertas ingkang karisak: damelan Walandi njaringgitan 480.000 lembar, lan njaroepijahan 560.000 lembar. Da-melan Amerika njaringgitan 40.000 lembar, lan njaroepijahan 160.000 lembar.

G. G. Pilipinah.

Goepernoer Djéndral Pilipinah pa-doeika toewan D. F. Davis kawar-tosaken badé martamoe datang Indonesia.

Subsidie ngitjali tjang njerèt.

Kawartosaken saking Bogor bilih sapoenika wonten ordonantie mra-nata subsidie kanggé ngrimat tjang ingkang nedyana medot njerèt.

Poelis koemedah-kedah nenggani parepatan.

Warga Raad Kawoela t. Thamrin miterang datang Paréntah soeraos-poen makaten:

Manoet pawartos nalika pakem-palan Pasoendan afd. Poerwakerta tanggal 30 April ngawontenaken pa-repatan-warga, manggèn ing seko-lahan H. I. S. gadahanipoen Pasoen-dan, kepala resisir radèn Brodjo nékad aneggani parepatan waoe srana mènèk tjendéla.

Tindak makaten poenika poenapa pantjèn atas dawoehipoen nginggil? Poenapa Paréntah manggalih saé datang tindak makaten poenika? Manawi boten, ladjeng tjang ingkang lepat waoe badé kapoenapakaken? Kadjawi poenika oegi njoewoen pira kados-poendi pangalihandjoen na-gari toemrap poelisi nenggani pa-repatan warga langkoeng-langkoeng parepatan warga ing salebeting Pa-soendan?

Poenapa tegesipoen ngirid?

Pamirengipoen *Het Nieuws* sedya ngawontenaken gedong Letterkun-dige Faculteit, meksa taksih kales-tantoenaken badé kalebetaken won-

ONTJÈN SEKAR GAMBR MELATI.

KATJOELIKAN ING SALEBETING JOURNALISTIEK.

Swantenipoen Patjar Mèrah dipoensadé.

Ing Swara Tama no. 20, 16 Mei, koela ngrembag prakawis bezuin-ing taon 1931.

Ing s. k. *Nan Sing* (Semarang) no. 40, 21 Mei, wonten seratanipoen journalist *Luidspreker* oegi angrembag bezuiniging taon 1931. Artikel waoe tètela sanget pretalan saking arti-kelipoen Patjar Mèrah ing Sw.T. kaseboet nginggil. Nanging sadèrèk *Luidspreker* boten kersa walèh pen-detan saking Swara Tama. Bokma-nawi isin „wong metik baé kok me-tik artikel Swara Tama! Oetawa manèh nèk akoe mblakakaké petikan saka Swara Tama moendak ora di-arani journalist djempol!”

Sadèrèk! Mestani lepat oetawi awoning sanès, saèstoe boten gam-pil! Boektinipoen kedah maton! Mila soepados boten kawastanan waton moeni, artikelipoen *Luidspreker* waoe koela tedak soengging ing ngriki, ladjeng pandjenengan tjotjogaken pi-jambak kalijan artikelipoen Patjar Mèrah ing Swara Tama no. 20. Sa-sampoenipoen ngandaraken ihtjar titiga ingkang tjalon katindakaken Nagari kanggé noetoepti tjoepting begrooting, *Luidspreker* tjarijos ma-katen:

Adapoen kehendak jang pertama. soenggoeh penoelis merasa tida moefakat, lantaran apakah dianggep pikoelannya ra'jat di Indonesia koerang berat?

Apakah kita beloen amat berat memikol padje?

Maksoed jang 2e. betoelnya haroes pilih-pilih, kaloe bolehnya menaeken ongkos-ongkos masoek (invoerkosten) ke Indonesia tadi mengenai perdagangan jang menjadi kaperloannja kita orang hidoep (oempamanja beras) itoe betoelnya haroes di linjapken, lantaran apa? Kita orang tentoe soedah mengerti keadaan kaeom dagang toetama kaeom dagang jang terbesar. Djikaloe ongkos (bea) dinaekken, moestail sekali kaeom soedagar-soedagar tadi akan tinggal diam sadja barang tentoe marika djoeg . . . akan menaikken perdagangannja. Djadi kaloe maksoed jang terseboet pertama dan 2e. akan dijalanken dan menoedjoe kepada kaperloannja kita orang, soedah tentoe sadja orang jang tida mampoe tentoe aken djatoeh sengsara. Padjek dinaekken, tambah-tambah akan membikin mahalnja harga barang kaperloean hidoep, dan bagimana keadaan kita orang? Pengaruhnja penghmatan akan mengadaken roepa - roepa rasa jang sekali-kali tida enak. Sedang begitoe bisa disangsikan apa Pemerintah bisa berhasil aken mengembalikan kepertjajaannja ra'jat padanja.

Sedang maksoed jang ke 3e. penoelis soenggoeh belon mengerti dengan tjoeptja, apakah maksoednja mengadaken padjek kekajaan (weelde belasting itoe?).

Di sini penoelis akan mengoeraken sedikit tentang kakeoerangan begrooting tadi, hal mana bisa kita samaken dengan keadaan kakeoerangan ongkos roemah tangga, jang kira-kira penoelis tida aken oengkir lagi. Djika memilih wetnja boedi jang sehat dan djoedjoer, koela-warga jang begitoe tadi lebih doeloe haroes menjelidiki kakeoernja (ongkos) jang koerang perloe; djadi djangan zonder dipikir lagi alias kesoesoe, bagimana ichtjar kita aken menambah pengasilan kita. Begitoe djoega bagi pri keadaannja Peme-rintah aken bikin klop kakeoerangan begroo-ting terseboet. Pemerintah haroes lebih djoeh mendjaga tentang keloernja oewang jang sesoenggoehnja tida begitoe (koerang) perloe, oempamanja kehendak Pemerintah aken mengadaken roepa-roepa rentjana dengan mengloerken oewang, itoe haroes disabarken lebih doeloe.

Maka keada'an rentjana jang koerang per-loe djikaloe diselidiki dengan teliti, misalnja: leden dari Raad van Indie itoe ketjoelali trima gadjil jang tetajaitoe f 2500.— masih mendapat lagi oewang receipte (receptiegeld). Maka keada'annja pertemoenan salah satoe lid dengan satoenja lid itoe tida tentoe; dan biasanja ganti berganti mengoendang. Djadi seandeanja ada lid jang tida moestinja ketem-patan goena pertemoenan, oewang receipte f 200.— ? ? ? soedah barang tentoe oewang tadi tida akan digioekaken. Seperti orang taoe tida tjoma bagi leden dari R. v. I. sadja jang mendapat receptiegeld, tapi djoega Ambtenaar-Ambtenaar tinggi dan laen sebagi-nja. Hal ini djika Pemerintah tjoma men-tepken; receptiegeld boeat leden R. v. I.

ten begrooting 1931. Gedong waoe tjalon katoenggilaken kalijan gedong bibliotheek gadahanipoen Kon. Bat. Genootschap, wonten sawingking Rechts Hooce School Koningsplein. Déné wragadipoen f 325.000.

Padang tjepak-tjepak.

Gandèng kalijan anggènipoen kita Padang tjalon kadadosaken kitani-poen prov. Sumatra, gemeente raad Padang amoetoes toembas siti-kang-gé papaning kantor-kantor, doemoen-noeng satjelakipoen gedong Raad van Justitie, djemberipoen 20.000 M², wijariipoen 210 meter.

Amy Johnson.

Salebetipoen minggoe kapengker, Indonesia koengkoelan lan inggih kampirana wanita bangsa Inggris Amy Johnson ingkang nglampah-aken motor maboer ngideri bawana. Kalanipoen koela njerat kabar poenika, Amy sampoen doemoegi Australië.

Pangiridan.

Waarneemend Directeur Gouver-nementsbedrijven ngedalaken sir-koelèr datang pangageng-pangageng ing bawahipoen asoeraos kapoerih njatèkaken ingkang satiti wedal-wedaling arta ingkang kénging di-

tentoeken tjoma f 200. — dan goena Amb-tenaar golongan ini sakean, itoe sakean bagi Pemerintah tentoe soedah bisa menghmat sakean dijemblah saboelan-boelannja. Apalagi goena Ambtenaar gadjil f 2500.— [oepamanja] tjoma diambil goena oewang receipte sakean penoelis rasa barangkali tida sebrapa!!! Be-gitoe djoega tentang Blanda Indo dan bangsa jang dipersamakan dengan Blanda diperke-nankan verlof kloeer negri ka [Nederland]. (N. B. marika tadi masih djoega trima gadjil) itoe semoea oepamanja di batesin dan dili-njapken sadja soedah barangtentoe brapa sadja semangkin koerangnja oewang dikloe-arken oleh Pemerintah tiap-tiap taon. Lan-taran bagi marika jang diperkenankan verlof ka Nederland tadi belon tentoe marika terseboet masing-masing mempoenjai familie disanal dan lagi bagi Indonesiers jang di persamakan dengan Belanda, apakah perloe-nja pigi ka Nederland ketjoelali tjoma aken leha-leha (foja-foja) sadja. Begitoe djoega goena ongkos studie opdracht ka Nederland, itoe djika memilih waktoenja Pamerintah kakeoerangan begrooting, penoelis rasa itoe maksoed-maksoed jang terseboet diatas boleh ditoenda doeloe. Lagi oepamanja Pamerintah mengapoerken standplaats toelaga bagi Amb-tenaar jang gadjilnja lebih dari f 700, dan mengoerangi gadjil-gadjilnja Ambtenaar di-dalem verlof kloeer negri tjoma toean² pem-batja rasa sendiri, soedah brapa banjak Negri bisa menghmat dan tentoenja masih banjak lagi tentang pengloeraan begrooting-begrooting jang haroes ditoenda doeloe, djadi tida oesah menaeken belasting sebagaimana terseboet di le. sampe 3e.

Mangga, poenapa boten tètela artikelipoen journalist *Luidspreker* pendetan saking artikelipoen Patjar Mèrah??? Moegi panjarowé koela datang *Luidspreker* sageda namoeng mandeg samanten kèwawon! Begi-toe boekan, soedara???

Wonten ing Sw.T. no. 20, 16 Mei waoe koela tjarijos: Lang-koeng-langkoeng wonten djaman ga-wat poenika, djamanipoen kawoela sami tinarboeka, *djamanipoen mripat merem sami melék, koeping boedeg sami tengen*, sadaja ihtjar ingkang toemandoeipoen saja mlinderaken poendandjeng kawoela, saèstoe a-moetawatosi. Manawi paos saèstoe kainggahaken, o, saiba badé nggran-tes lan nggegeting manahipoen tjang ngriki. Manawi mangké margi daja-ning paos kaindakaken, (.) tjang ngriki saja katah ingkang sami dados mlarat, saja matikel-tikel ingkang sami dados djiretanipoen lin-tah darat, ing ngrikoe para ingkang sengit kalijan Inlanders ladjeng saja sora pambengokipoen sareng-sareng kalijan baron Mackaij enz. enz.

Ing *Bahagia* koran Samarang no. 111 (20 Mei) lembaran kaping II, wonten artikel tanpa dipoentanda-tangani, asisirah: „Apakah ta' ada djalan lain?” Artikel waoe oegi ngrembag prakawis bezuiniging ta-on '31 Sasampoenipoen damel andaran makaten - makaten, koran waoe tjarijos: Lebih-lebih dalem zaman kesadaran ini: zaman mata tertoeptoe mendjadi terboeka: zaman telinga toeli mendjadi terang men-dengar, tentoelah rantjangan ini akan membahajakan! (.) Dan semang-kin poelalah banjaknja woeker-woe-ker jang melambrang ontoek me-nangkap oempamanja, dan achirnja bangsa lain jang bentji pada Indone-siers, semangkin poelalah bergem-bar-gembor bersama-sama baron enz. enz.

Koela boten amastani bilih tetem-boenganipoen *Bahagia* poenika pen-detan saking Sw. T. Nanging sok tjijanga saged mangertos tetemboeng-anipoen *Bahagia* waoe sami kalijan Sw. Tm. *Kami harep toean tidak salah mengerti!!!*

Kumuningsaselé 25 Mei '30.
Taklim: Patjar Mèrah.

poenirid. (Java Bode).

Sesakit patèk Ngajogjakarta.

Wiwit tanggal 25 April — 24 Mei, ing Ngajogjakarta andateng-aken dokter Sjamzoedin saking Se-marang, perloe kanggé ambijantoe merangi sasakit patèk.

Inkang dipoendatengi salebet-ipoen sawoelan waoe 21 panggénan bawah Koelon Progo lan Goenoeng Kidoel (Kalibawang, Nanggolan, Wates, Pandjatan, Pengasih, Sen-tolo, Semakèn, Brosot, Wanasari, Patoek, Semanoë, Segin, Ngilpar, lss.) *Inkang dipoensoentik sadaja won-ten tjang 3060.*

Panggénan ingkang katah pijam-bak tjangipoen patèken ing Sentolo, tandanipoen wonten ngrikoe dokter waoe njoentik tjang ngantos 381 sadinten. (Pak. Tyon).

Bebaja kodrat ing Likasan.

Locomotief njarijosaken, dinten Rebo salebetipoen minggoe kapeng-ker, djam setengah tiga sonten, Likasan katradjang bebaja endoet (lahar??) malih saking Telamaja, swantenipoen ngantos kapieng doe-moegi Ambarawa. Grijja 12 ing doesoen Keboemèn, lan grija saka-wan ing margi antawisipoen Ba-

M. v. BIENE.

Toekang herlodji
dan Toekang emas.

Adres jang
moerah

DJOKJA BANDOENG
Telf. 252 Telf. 226

boeat LONTJENG, HER-
LODJI dan PERKAKAS
EMAS.

Pembatja
SWARA TAMA,
dengan bawa lembaran
Swara Tama
dapat **POTONGAN.**

PAKOLÈH TOER LOEWESAN
SAË TOEWIN AWÈT
INGGIH NAMOENG
MERK GAZELLE
INGKANG AWOEDJOED

ALCYON
DUNLOP } **RIJWIELEN**
R. I. W.

Nitjil kènging! — Kentjèng soekoer!

GAZELLE HUIS — ROEMAH GIDANG
MALIOBORO — DJOKJA — TELF. 508.

Boeat toean poenja

**ER
CEE
E**

APOTHEKEN

Rathkamp
& Co

MALIOBORO 15 DJOKJAKARTA.

TOKO BARANG - BARANG
H. SPIEGEL — Djokja.

ADRES JANG PALING BAIK, boeat:

Eetserviezen — Theeserviezen: f 5,75.
Perkakas dari gelas, dan perkakas dapoer;
Kereta dan korsi boeat anak - anak;
Tempat tidoer, lampoe gasoline, dan
— permainan boeat anak - anak ketjil. —

**SEMOEA BARANG PALING DJEMPOL, DAN
MOERAH SEKALI!**

Toko DJOEN & Co., Djocja.
PATJINAN MOEKA TOKO FUJI — TELF: No. 374.

Adres jang paling moerah dan paling baik
boewat pembikinannya.

**ROTIE-ROTIE, KOEWEE-KOEWEE dan
BESCHUIT-BESCHUIT KERING.**

**SROETOE-SROETOE dan ROKOK-
ROKOK, jang haloes dan kasar.**

Djoega slamanja djangan loepa minoem kita
poenja KOFFIE BOEBOOK, jang speciaal die
giling dengan machine Electrics, bisa giling aloes
dan kasar, menoeroet pembelie poenja perminta'an
die tanggoeng sampee menjenengken, harga per
pond f 0.90.

Bolih datang saksiken!

Memoedjiken dengan hormat
Toko DJOEN & Co.

**AGENT KANGGÉ SALEBETIPOEN
NGAJOGJAKARTA.**

Sepeda-sepeda merk:
SIMPLEX Cycloide, S. djené, S. petak sarta Simplex Transfer.
HIMA: Wassenae, Rondrit, Oranje sarta Woestduin.
TOURIST: A. A. sarta A.

Sedija oegi sepeda merk:
RAY — SWIFT — GRUNO — HUMBER — VIALLE —
BURGERS E.N.R. — KROON — NATIONAL — BERGKONIG.
Sarta malih sepeda mirah wiwit pengaos f 55.—, f 65.—, f 75.—
saprabotipoen: Klinting, pompa, lentéra sarta tas isi perka-
kas koentji sarta wadah lisah.
Mentas tampi per S.S. Slamet sarta JOH. de WIT sepeda merk:
ROVER Imperial, continental, The Rover sarta Metallicus.
Sedija oegi Djas djawah, Kopper, Lentéra Stormking, Lemantoen
tosan sarta tjèt wènter.

PENJADÉJAN KENTJÈNG SARTA KATJITJILAKEN.
Menawi perloe moendoet katerangan, badé kakintoen pratélani-
poen kalajan lelahanan.

Njenjadang Welingan.

**Rijwielenhandel Reparatie-inrichting en Smederij:
„WIRIOSOESENO”**
Lodjiketjil 16. NGAJOGJAKARTA Telf. No. 13.

TJÈT GILAP wedalan FRIELING model A.

kanggé ndjawi lan nglebet, namoeng kantoen ngagem.

kawadahan ing blèg, netto 10 5 2½ 1 ½ kilo;

sablèg regi 10,50 5,50 3,- 1,30 0,75;

TJÈT GILAP model B. kanggé ndjawi lan nglebet
namoeng kantoen ngagem; sablèg netto 10 kilo: f 8,50;
5 kilo: f 4,50.

PABRIK TJET R.B. FRIELING
Gondhomanan 80 — DJOKJA — Telefoon no. 784.

DJAMNJA HARI ACHAD DI SEMENTARA TEMPAT ADA KOERBAN MISSA.

Ambarawa 6.-7.30.	Lamah 5.30-6-8.	Pekalongan 8) 7.30.	Soerabaja:
Amboina 7.30.	Lawang 5) 7.	Pemalang 3) 7.30.	Kepandjèn 6-7-9.
Bagan Siapi-api 7.30.	Madioen 6-7.30.	Pemangkat 8.30.	Anita Boul. 6-7.30-9.
Bandoeng 6-7.30-9.	Magelang 7-9.	Poerwokerto 7.30.	Soerakarta 6-7-8.30.
Benkoelen 7.30-9.	Makassar 6-7.30.	Poerworedjo 7-8.30.	Tandjoeng Balai 7.30.
Blitar 7.30.	Malang 6-7.15-8.30.	Pontianak 7-8.30.	Tandjoeng Karang 8.
Buitenzorg 6-8.	Manado 6-7.30.	Probolinggo 7.30.	Tandjoeng Sakti 7.30.
Cheribon 7.30.	Medan 6.30-8-8.30 (tjina).	Salatiga 7.30.	Tara-Tara 7.30.
Djember 7.30.	Medari 8) 7.30.	Sambas 6-8.30.	Tegal 6.30-8.
Djokja:	Meester Corn. 7-9.	Sambong 8.	Tering 7.
Kampementstraat Eur. 7-9.	Mendoet 6-7.30.	Sawah Loento 7-8.30.	Tjilatjap 8) 7.30.
Kota Baroe Jav. 6-8.	Modjokerto 6-8.	Sedajoe 7.	Tjimahi 6-8.
Djombang 1) 7.30.	Moentilan 5-6-8.	Sedjiram 5.45-8.30.	Tomohon 7-8-9.
Fort de Kock 7.30.	Muntok 8.	Samarang:	Wates 7) 7.
Gandjoeran 2) 7.	Ngawi 7) 7.30.	Gedangan 6-8.	Weltevreden:
Gombong 3) 7.30.	Padang 7-8.15-9 (tjina).	Bangkong 6.30-8.30.	Waterlooplein 5.45-7-9.
Keboemèn 4) 7.30.	Padang Pandjang 7.30.	Tjandi 7.30.	Kramat 6-8-9 (mal.).
Kediri 7.30.	Pajakombo 7.30.	Randoesari 7-9.	Wonosobo 8) 7.30.
Klatèn 7.30.	Palembang 7-9.	Singkawang 6.30-9.	Woloan 8.30.
Koeta Radja 6.30-8.	Pasoeroean 1) 7.30.	Soekaboemi 6-7.30.	
		Heuvel 5.30.	

1) 1e. Achad. 2) 2e. Achad. 3) 1e., 2e., 4e. Achad. 4) 3e. Achad.
2) 1e. + 3e. Achad. 4) 1e. Achad tiao² doea boelan. 5) 2e., 4e. Achad. 6) 3e. Achad.

njoebiroe — Salatiga, sami laroet, Katjilakan tijang boten wonten. Margi Banjoebiroe — Salatiga risak malih. Tetijang Rawa Pening katah ingkang nilar doesoenoipoen.

Kanggé mitoloengi katjilakan ing Likasan poenika, Semarang dipoen-wonteni komitè dipoenpangarsani resident J. Bijleveld. Comitè badé ngedalaken arta roemijin f 25.000, ladjeng dipoensamboeti Semeroefonds f 10.000. Tèlamaja dipoenpriksa.

Inggang pikantoeok Hoefeldprijs.
Hoefeldprijs f 150.000 lotré Eykenstichting, dawah t. Tjoe Tok Hoo, noko alit-alitan ing Kalisat, Djember. Wijkmeester Tionghoa ing Balong angsal pris f 100.000. (Aneta).

Tijang neda tijang.
Patrouille dipoenpangagengi be-stuursassistent Ruberegt nalika mlam-pah wonten Kaimana ing nginggil lèpèn Tjemara lan Torpedoboot (Merauke), dèrèng dangoe poenika kapanggih krompolan tijang wanan 200, sadaja taksih sami dojan daging manoengsa. Kala semanten tijang ingkang dipoenteda wonten 8, tijang djaler satoenggal, tijang èstri tiga, lan laré sakawan. Tijng èstri sa-toenggal lan laré alit satoenggal, sami taksih gesang, sadijan kanggé ne-da malih, saged dipoenpitoloengi pa-troli waoe. Golongan patroli kakroe-toeg panah, ladjeng kawales kasen-djata: ingkang pedjah tiga, kalebet pangagenging krompolan waoe. Déné sanèsipoen sami mladjeng. (Aneta).

Begrooting 1931.
Aneta mireng pawartos bilih con-ferentie begrooting 1931 ingkang dipoenwontenaken kala 20 Mei manggèng ing poera Goepernoer Djén-dral, katjarijos saged kadamel klop.

Panitya Anti-Wajoeh.
Katjarijos ing Bèdji, Klatèn, wonten panitya Anti-Wajoeh, dipoenpa-ngarsani Mev. Siti Soendari Dibja-

pranata. Panitya badé ngatoeraken rembag-rembagipoen dateng Nagari. (Sedyta Tama).

Justitie lan Bandoeng.
Bandoeng 22 Mei Aneta. Wini sonten wonten salebeting parepatan winados gemeente raad amoetoes tjalon angragadi anggènipoen Nagari badé jasa gedong Departement van Justitie énggal. Prakawis poenika kados déné voorschot ingkang ke-dah kasaoer Goepermèn sarana ni-tjil. (Toelada bregas saking nagari pijambak! Ora kètang takrèwangi oetang, waton karepkoe kasembadan, ija sanadyan woès katjeta begroo-tingkoe tjalon tjoept pisan! Red).

Prakawis ingkang pantes kaga-tosaken.
Ing Timboel tanggal 16 Mei, won-ten karangan „Het restrictie vraag-stuk” ingkang ladjeng kapetik t. Dw. Séwojo wonten Sedyta Tama, soera-osipoen kados ing ngandap poenika.

Panggaotan karèt poenika wonten warni kalih: modèl lami kalijan énggal. Modèl lami i. p. ingkang katindakaken mawi jatra Éropah: pawitan ageng, épahan katah kanggé poenggawa bangsa Éropah, piran-tos sampoerna; tjekak kanti wragad ageng. Déné tjara énggal i. p. ing-kang katindakaken mawi tjara tijang Priboemi: sarwa mirah ing samoe-dajanipoen.

Margi makaten waoe, soepados panggaotan karèt modèl lami saged gesang willoedjeng, kedah tansah pikantoeok babatèn katah; déné ing-kang modèl énggal boten makaten. Margi poenika, ing pawingking-i-poen, ingkang modèl lami mesti badé sirna, déné ingkang modèl énggal badé njampeti betahing ngal-mondonja toemrapping karèt. Praka-wis makaten poenika tètèla badé ngadjengaken economie Indonesia, ingkang boten sakedik artosipoen

toemrap sagedipoen bawa pribadi babagan economie lan inggihi ba-bagan politiek.

Kawontenan ingkang ngagengaken manah waoe semoe - semoenipoen sapoenika tjalon kagoda, déning lampahipoen propagandist pangga-otan karèt Éropah toewan Marinus. Propagandist poenika waoe ngadjak kantja-kantjanipoen panggaotan ka-rèt soepados ngirangi pamedalipoen karèt kanggé sawatawis wekdal, per-loenipoen sageda pepadjengan ing-kang pantes. Leres propagandist waoe boten pikantoeok pakèn saking panga-gengipoen, lan inggihi boten badé manggihi pijambak tetijang Priboemi ingkang gadah kaboeididajan karèt. Nanging réka dajanipoen noewoeh-aken koewatosing manah, bokbilih B. B. lan Landbouwworlichtingsdienst ing Indonesia badé migoenakaken pangaribawanipoen soepados kaboe-ididajan karèt Priboemi boten na-moeng ngirangi pamedalipoen kang-gé sawatawis wekdal, oegi boten dipoenindakaken agengipoen malih, ngantos pangadjeng-adjeng ingkang ngagengaken manah kaseboet ing nginggil boten saged kalampahan, oetawi randat sanget kelempahan-ipoen.

Manawi koewatosing manah ing nginggil waoe njata, redactie Tim-boel neda kanti sanget soepados para nationalist Priboemi ingkang saroedjoeok kalijan Timboel amboe-didaja ing sasaged-sagedipoen kanti medal margi ingkang boten mlang-gar wet, andoewa pangaribawan-ipoen B. B. toewin Landbouwwor-lichtingsdienst, kados ingkang di-poenkadjengaken ing nginggil waoe. (W e w a h a n: Tilgram Aneta saking Buitenzorg 23 Mei, martosaken bi-lih toewan Marinus waoe, *pedjah dadakan*. Mangka Rebo sonten tak-sih dados tamoenipoen Rotaryclub

Betawi. Wonten club ngrikoe soso-rah bab ngringkes pamedal karèt. Oegi njarijosaken planters bangsa Indonesia lan Éropa saged kaadjeng-adjeng sami toemandang sasarengan. Saladjengipoen, ngalembana, matoer noewoen dateng sariranipoen Ing-kang Witjaksana, directeur Land-bouw, poenapadéné directeur B.B. toemrap sadaja pambijantoenipoen. Angkahipoen tanggal 28 Mei badé wangsoel dateng Nederland noem-pak baita Prins der Nederlanden, lan wonten Éropah oegi badé ngla-djengaken actienipoen).

MANTJA NAGARI.

AMERIKA. Katentremaning ba-wana???
Wadyabala laetan ing Washing-ton njobi machinegeweer énggal ing-kang saged moengal ing dalem sa-menoet kaping 800, tebihipoen 9 mil. Sendjata poenika waoe damelan-ipoen Robert Hudson tilas soedagar (handelsreiziger) ing Richmond.

Hudson waoe sapoenika saweg ngotak-atik mrijem ingkang dipoen-wastani anti-luchtvaartig-snelvuur-kanon, dipoenisèni mimis 30 caliber, sarta saged kanggé ndamel ing da-lem samenoet kaping 1400.

Kadjawi poenika inggihi saweg ja-sa machinegeweer 1,1 ich (1 ich = 2,54 c. M.), samenoetipoen saged ngedalaken mimis tanpa njoewara kaping 800, tebihipoen 13 mil.

Propaganda communisme New York.
Kita New York poenika isi pro-pagandist kominis 9500, sapérangan ageng tijang mantja, ingkang ngre-tos basa Inggris namoeng 20.

Manoet tjatetanipoen Kamer van Koophandel, sadaja propagandist ko-minis wonten 30.000 a 50.000. Ka-

mer van Koophandel waoe damel komisi sasambetan kalijan pakem-palan oetawi babadan warni-warni perloe amotjoti poenggawa-poeng-wa kantor ingkang kominis, lan an-djagi sampoen ngantos poenggawa waoe saged pikantoeok padamelan dines malih.

Setatsijoen ageng sanget ing sa-lebeting siti.
Wonten sedyta badé damel setat-sijoen salebetipoen siti, djembar 25 A, tjekap trèm 150 saben saedjam antawisipoen New York kalijan New Jersey.

Wragadipoen tjalon 20 mlijoen dollar.

TANAH HINDOE. Pogokan ing Rangoen.
Tilgram Aneta Reuter saking Ra-ngoen tanggal 26 Mei, martosaken bilih dinten waoe wonten reresah. Nalaripoen: koeli-koeli ingkang sami mogok boten seneng manahipoen déné ingkang nginggah ngedakaken barang-barang ing baita ladjeng koe-li-koeli bangsa Tionghoa.

Inggang ketaton wonten tijang 10, ingkang tatoe alit-alitan wonten 250.

Tilgram saking Bombay njarijos-aken kawontenan ing ngrika saka-langoeng moetawatosi, ngantos te-tijang Éropah sami neda soepados nagari ngoendangaken oendang pe-rang. Ing Bendhi Bazaar (kampoenng Islam) wonten krompolan tijang Islam tjampoeh kalijan poelisi. Golongan ingkang damel reresah, woloe ing-kang kapeksa kaangkat dateng hos-pital.

NETERLAND. Nganggé basa We-landi.
Aneta saking Den Haag 26 Mei, njarijosaken: Ministerraad amoetoes manawi wonten konggrès-konggrès internasional lan sabangsaniipoen, pambagianipoen regeering Walandi badé mawi bangsa Walandi.